



20



22—29 OKTOBER 2017 | JOHOR BAHRU

HERO UNITEN DI PENTAS HOKI ANTARABANGSA

Hero kebanggaan UNITEN, Muhammad Firdaus Omar, telah terpilih untuk bersama-sama Skuad Hoki Kebangsaan pada Piala Sultan Johor 2017 baru-baru ini. Hoki Piala Sultan Johor 2017 merupakan edisi ketujuh Hoki Piala Sultan Johor untuk pasukan hoki lelaki remaja bawah 21 tahun yang dianjurkan oleh Persatuan Hoki Johor. Kejohanan Hoki Antarabangsa Bawah 21 Tahun Piala Sultan Johor 2017 ini telah bermula daripada 22 sehingga 29 Oktober di Stadium Hoki Taman Daya, Johor Bahru. Skuad negara dibawah kendalian Nor Saiful Zaini Nasiruddin ini, telah bersaing dengan 5 pasukan daripada negara lain, iaitu Great Britain, India, Amerika Syarikat, Jepun dan juara bertahan Australia. Untuk rekod, Malaysia pernah muncul juara pada tahun 2011 ketika pertama kali kejohanan itu dipertandingkan. Pada kejohanan ini juga, Muhammad Firdaus Omar telah dipilih menjadi salah seorang daripada 11 pemain hoki terbaik kejohanan.



23 OKTOBER 2017 | UNISEL

UNITEN JOHAN DEBAT IPT 2017

Sekalung tahniah diucapkan kepada pasukan Debat UNITEN A atas kejayaan dinobatkan sebagai Johan Pertandingan Debat IPT 2017 yang telah berlangsung di UNISEL, Kampus Bestari Jaya. Pasukan UNITEN A telah diwakili oleh, Afif Nazhan (UNITEN Putrajaya), Amirul Rosli (UNITEN KSHAS), Adhwa Afnan (UNITEN Putrajaya) dan Wan Suhaila (UNITEN Putrajaya). Pada pertandingan akhir itu, UNITEN A telah berjaya menewaskan Pasukan Debat UTP. Saudara Amirul Rosli daripada KSHAS pula telah dinobatkan sebagai Pembahas Terbaik Peringkat Akhir Pertandingan Debat IPT ini. Pada pertandingan debat kali ini, UNITEN menghantar 2 pasukan. Tahniah juga diucapkan kepada pasukan UNITEN B kerana berjaya menjadi Johan Liga mengatasi 25 pasukan daripada 17 Institut Pengajian Tinggi yang bertanding. Syabas daripada seluruh warga UNITEN. Anda semua adalah kebanggaan kami.





25 OKTOBER 2017 | PUTRAJAYA

ATLET UNITEN SUKAN SEA KL2017 TERIMA INSENTIF

Sebanyak RM 2800 insentif diberikan kepada 4 atlet UNITEN yang mengambil bahagian dalam acara Sukan SEA Kuala Lumpur 2017 ke-29 (KL2017) baru-baru ini. Naib Canselor UNITEN, Dato' Prof. Ir. Dr. Kamal Nasharuddin Mustapha berkata, insentif ini diberikan sebagai penghargaan kepada atlet yang bertanding mewakili negara sekaligus mengharumkan dan menaikkan nama UNITEN. "UNITEN telah gubal dan luluskan Garis Panduan Pembangunan Sukan UNITEN (GPSU) bagi menyokong pembangunan sukan di kalangan siswa-siswi termasuk pemberian biasiswa serta insentif kepada atlet UNITEN yang cemerlang khususnya yang dipilih mewakili negara dalam kejohanan sukan peringkat serantau dan antarabangsa," katanya pada Majlis Pemberian Insentif kepada Atlet UNITEN yang cemerlang dalam Sukan SEA ke - 29, Kuala Lumpur 2017 di UNITEN. Turut hadir TNC (Hal Ehwal Pelajar dan Alumni) Prof. Dr. Mohd Zamri Yusoff, Timbalan Dekan Kolej Pengajian Asas dan Diploma, Dr. Rosmiza Mokhtar, Pengarah Hal Ehwal Pelajar, Tuan Haji Ruzli Zairazi, Pengarah Tabung Amanah Zakat UNITEN, Prof. Madya Dr. Abdul Aziz Mat Isa dan pegawai-pegawai sukan UNITEN serta tetamu jemputan lain. Pada kejohanan KL2017 itu, 4 atlet UNITEN telah menyumbangkan 1 pingat emas bagi acara hoki padang (wanita) dan 1 pingat gangsa bagi hoki dewan (wanita). Atlet yang menerima insentif pada majlis itu ialah Nur Zafirah Aziz (hoki padang), Nur Aisyah Yaacob (hoki dewan), Noor Ain Mohd Arshad (hoki dewan) dan Priyanga A/P S. Jayarajah (hoki dewan).





27 OKTOBER 2017 | PUTRAJAYA

THE QUALITY MOMENT: ASPIRASI KUALITI JAMIN KEBERKATAN

Pusat Kemajuan Kualiti (QAC) dengan kerjasama Pusat Islam UNITEN (UIC), Kolej Pengajian Asas dan Diploma (CFDS) serta Jabatan Sumber Manusia (HR) telah menganjurkan program The Quality Moment. Program ini yang dilancarkan oleh YBhg. Dato' Prof. Ir. Dr. Kamal Nasharuddin bin Mustapha, Naib Canselor UNITEN berlandaskan objektif pengurusan kualiti yang menjadi asas kepada kecemerlangan UNITEN. Selain itu, majlis diserikan lagi dengan ceramah yang disampaikan oleh Prof. Madya Dr. Sharifah Hayaati Syed Ismail, Ketua Jabatan Siasah Syar'iyah, Akademi Pengajian Islam, Universiti Malaya (UM). Prof. Madya Dr. Sharifah Hayaati telah berkongsi mengenai aspirasi dan inspirasi kualiti mengikut landasan agama islam yang perlu dan boleh dipraktikkan oleh semua golongan masyarakat di dalam sektor pekerjaan, terutamanya di UNITEN sendiri.





25 OKTOBER 2017

SHARING SESSION: BEST PRACTISES IN QS RANKING



28 OKTOBER 2017

ALMA MATER CALLING 2017





28 OKTOBER 2017

TOYOTA GAZOO RACING MALAYSIA



MEET UP SESSION & START-UP/BOLD GRANT MONITORING

30 OKTOBER 2017

WORKSHOP 2017



Credit to Skuad Media UNITEN